



Pranuar / Dorezuar Primgjeno/Prodato Received / Delivery	20. 11. 2018	viti god year	8
Organ./Njësia Org./Jedinica Org./Unit	Nr.Prot: Br.Prot: Prot.No:	Shtojca Prilog Appendix	Sasia Kolicina Quantity
SKOMSHCK	6970/2018		111



Republika e Kosovës
Republika Kosova – Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD FOR THE CIVIL SERVICE OF KOSOVO

Nr. 275 /2018
Datë: 15.11.2018

Në mbështetje të nenit 6 paragrafit 1 nënparagrafit 1.3, nenit 20 paragrafit 2, 4 dhe 5 të Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës, nenit 10 të Rregullores Nr. 01/2018 për Punën e Këshillit të Pavarur Mbikëqyrës për Shërbimin Civil të Kosovës, nenit 3, nenit 4 paragrafit 1 nënparagrafit 1.1, nenit 5, nenit 16 paragrafit 1 dhe 2 të Rregullores Nr. 04/2018 për Procedurën e Monitorimit të Institucioneve të Administratës Publike lidhur me Zbatimin të Rregullave dhe Parimeve të Legjislacionit për Shërbimin Civil, pasi shqyrtoi raportin me rekomandime për Monitorimin të Institucioneve të Administratës Publike lidhur me Zbatimin të Rregullave dhe Parimeve të Legjislacionit për Shërbimin Civil në Ministrinë e Forcës së Sigurisë së Kosovës, Këshilli në mbledhjen e njëzet e tretë (XXIII) të mbajtur më datë 15.11.2018 mori këtë:

V E N D I M

1. Miratohet raporti me rekomandime i Kolegjit të Këshillit lidhur me Monitorimin të Institucioneve të Administratës Publike lidhur me Zbatimin të Rregullave dhe Parimeve të Legjislacionit për Shërbimin Civil në Ministrinë e Forcës së Sigurisë së Kosovës.
2. Obligohet Sekretari i Përgjithshëm i Ministrisë së Forcës së Sigurisë së Kosovës për zbatimin e rekomandimeve në raport, brenda katër dhjetë e pesë (45) ditësh nga dita e pranimit të këtij vendimi.
3. Raporti me rekomandim i Kolegjit të Këshillit lidhur me Monitorimin të Institucioneve të Administratës Publike lidhur me Zbatimin të Rregullave dhe Parimeve të Legjislacionit për Shërbimin Civil në Ministrinë e Forcës së Sigurisë së Kosovës, është pjesë e bashkangjitur këtij vendimi.
4. Këshilli i Pavarur Mbikëqyrës për Shërbimin Civil të Kosovës duhet të njoftohet me shkrim pas zbatimit të rekomandimeve në pajtim me këtë vendim dhe raportin.
5. Vendimi hyn në fuqi në ditën e nënshkrimit nga Kryetari i Këshillit.

Vendimi i dërgohet:

- Sekretarit të Përgjithshëm të Ministrisë së Forcës së Sigurisë së Kosovës;
- Udhëheqësit të Burimeve Njerëzore në Ministrinë e Forcës së Sigurisë së Kosovës dhe
- Arkivit të Këshillit.

Eshref SHABANI
Kryetar i Këshillit





REPUBLIKA E KOSOVËS-REPUBLIKA KOSOVA-REPUBLIC OF KOSOVO
KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD CIVIL SERVICE OF KOSOVO

Pranuar / Dorëzuar Primiheho/Prodato Received/Delivery		20.11.2018		viti god year
Organ./Njësia Org./Jednica Org./Unit	Nr.Prot: Br.Prot: Prot.No:	Shtojca Prilog Appendix	Sasia Kolicina Quantity	
SKOMSHCK	6970/2018		1110	



Republika e Kosovës
Republika Kosova – Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBEKOSOVA
INDEPENDENT OVERSIGHT BOARD FOR THE CIVIL SERVICE OF KOSOVO

RAPORTI I MBIKËQYRJES SË ZBATIMIT TË RREGULLAVE DHE PARIMEVE TE
LEGJISLACIONIT PËR SHRËBIMIN CIVIL

NË

MINISTRINË E FORCËS SE SIGURISË SË KOSOVËS

Prishtinë, tetor 2018

TABELA E PËRMBAJTJES

Hyrje	3
Funksioni i Mbikëqyrjes.....	3
Objektiva dhe metodologjia e mbikëqyrjes.....	3
Fushat e mbikëqyrjes.....	4
Raporti për mbikëqyrjen në Ministrinë e Forcës së Sigurisë së Kosovës.....	5
Organizimi i Brendshëm dhe të Dhënat e të Punësuarve.....	6
Procedurat e Rekrutimit dhe të Avancimit.....	7
Procedurat Disiplinore.....	8
Procedurat e Ankesave.....	8
Procedurat e Vlerësimit.....	8
Procedurat e Pushimeve.....	8
Procedurat e Transferimit.....	8
Të dhënat për përfaqësim etnik, gjinor dhe personave me nevoja të veçanta.....	8
Pezullimi, Ndërprerja dhe Përfundimi i Marrëdhënies së Punës.....	9
Papajtueshmëria në mes të ushtrimit të detyrës së nëpunësit civil dhe funksionarit publik.....	9
Të dhënat nëse ndaj nëpunësve civil është duke u zhvilluar procedurë penale ose janë dënuar me vendim të gjykatës.....	9
Trajnimi i Nëpunësve Civil.....	9
Vijimi në Punë, Pagat, Shtesat dhe Kompensimet.....	10
Zbatimi i Rekomandimeve dhe Vendimeve të Këshillit.....	10
Shënimet/komentet/konkluzionet e përgjithshëm për mbikëqyrjen e zbatimit të rregullave dhe parimeve të legjislacionit për shërbimin civil.....	10

HYRJE

Këshilli i Pavarur Mbikëqyrës për Shërbimin Civil të Kosovës (në tekstin e mëtejshëm: Këshilli) mbikëqyrë rregullat dhe parimet e shërbimit civil të Kosovës.

Baza ligjore për ushtrimin e funksioneve të Këshillit është Kushtetuta e Republikës së Kosovës, Ligji nr.03/L-192 për Këshillin e Pavarur Mbikëqyrës për Shërbimin Civil të Kosovës, Ligji nr. 03/L-149 për Shërbimin Civil të Republikës së Kosovës, Ligji nr.02/L-28 për Procedurën Administrative, Rregullorja Nr. 02/2016 për Punën e Këshillit të Pavarur Mbikëqyrës për Shërbimin Civil të Kosovës, Rregullorja Nr. 02/2014 për Rregullat dhe Procedurat e Ankesave në Këshillin e Pavarur Mbikëqyrës për Shërbimin Civil të Kosovës, Rregullorja Nr. 04/2016 për Procedurën e Mbikëqyrjes së Zbatimit të Rregullave dhe Parimeve të Legjislacionit për Shërbimin Civil në Institucionet e Administratës Publike si dhe ligjet dhe aktet nënligjore që ndërlidhen me shërbimin civil.

Këshilli përmes mbikëqyrjes së zbatimit të rregullave dhe parimeve në shërbimin civil angazhohet që të sigurohet një administratë profesionale dhe efikase, sipas standardeve evropiane.

FUNKSIONI MBIKËQYRËS I KËSHILLIT

Në pajtim me Ligjin Nr. 03/L-192 për Këshillin e Pavarur Mbikëqyrës për Shërbimin Civil të Kosovës dhe Rregullores Nr. 04/2016 për Procedurën e Mbikëqyrjes së Zbatimit të Rregullave dhe Parimeve të Legjislacionit për Shërbimin Civil në Institucionet e Administratës Publike, përmes funksionit të mbikëqyrjes Këshilli bënë mbikëqyrjen e zbatimit të rregullave dhe parimeve të legjislacionit për shërbimin civil.

Për të ushtruar këtë funksion në mënyrën më të mirë, Këshilli ka miratuar “Udhëzuesin për procedurën e mbikëqyrjes së zbatimit të rregullave dhe parimeve të legjislacionit për shërbimin civil”, mbi bazën e të cilit edhe harton “Planin e Mbikëqyrjes” në kuadër të cilit përfshihen një numër i Institucioneve të nivelit qendror dhe lokal, si dhe organe të pavarura dhe agjenci qendrore në kuadër të këtyre Institucioneve, plan ky i cili miratohet nga Këshilli në çdo fillim viti.

OBJEKTIVA DHE METODOLOGJIA E MBIKËQYRJES

Objektiva e mbikëqyrjes ka për qëllim monitorimin e zbatimit të rregullave dhe parimeve të legjislacionit për shërbimin civil. Me qëllim të përmbushjes së përgjegjësisë për realizimin e objektivës sonë kemi zbatuar një kombinim të mostrave sipas gjykimit dhe sipas rastit në përzgjedhjen e dosjeve, dhe jemi mbështetur në një lloj kombinimi të intervistave me zyrtarët e personelit, rishikimeve analitike, rishikimin e dokumenteve dhe verifikimin fizik për të vlerësuar vlefshmërinë dhe rregullsinë e zhvillimit të procedurave dhe respektimin e legjislacionit të shërbimit civil.

FUSHAT E MBIKËQYRJES

Këshilli, gjatë implementimit të mandatit të tij lidhur me zbatimin e rregullave dhe parimeve të legjislacionit për shërbimin civil, ka përcaktuar fushat të cilat do të jenë pjesë e mbikëqyrjes në kuadër të Divizioneve të Burimeve Njerëzore dhe mekanizmave tjerë të Institucioneve të cilët janë përgjegjës për zbatim të legjislacionit të shërbimit civil.

Në këtë kuadër si pjesë e mbikëqyrjes janë fushat si në vijim:

- Organizimi i brendshëm dhe të dhënat e të punësuarve;
- Procedurat e rekrutimit dhe të avancimit;
- Procedurat disiplinore;
- Procedurat e ankesave;
- Procedurat e vlerësimit;
- Procedurat e pushimeve;
- Procedurat e transferimit;
- Të dhënat për përfaqësim etnik, gjinor dhe personave me nevoja të veçanta;
- Procedurat e pezullimit, ndërprerjes dhe përfundimit të marrëdhënies së punës;
- Papajtueshmëria në mes të ushtrimit të detyrës së nëpunësit civil dhe funksionarit publik;
- Të dhënat nëse ndaj nëpunësve civil është duke u zhvilluar procedurë penale ose janë dënuar me vendim të gjykatës;
- Trajnimi i nëpunësve civil;
- Vijimi në punë, pagat, shtesat dhe kompensimet;
- Zbatimi i rekomandimeve dhe vendimeve të Këshillit;
- Shënimet/Komentet/Konkluzionet e Përgjithshme për Mbikëqyrjen e Zbatimit të Rregullave dhe Parimeve të Legjislacionit për Shërbimin Civil

RAPORT PËR MBIKËQYRJEN E ZBATIMIT TË RREGULLAVE DHE PARIMEVE TË LEGJISLACIONIT PËR SHËRBIMIN CIVIL NË MINISTRINË E FORCËS SE SIGURISË SË KOSOVËS

Këshilli, gjatë procesit të mbikëqyrjes së zbatimit të rregullave dhe parimeve të legjislacionit për shërbimin civil në Ministrinë për Forcën e Sigurisë së Kosovës, për të vlerësuar drejtë në mënyrë të paanshme dhe të saktë gjendjen e ligjshmërisë së veprimeve të ndërmarra nga Ministrinë për Forcën e Sigurisë së Kosovës, përveç mbikëqyrjes së drejtpërdrejtë që ka zhvilluar gjatë realizimit të vizitës në Ministrinë për Forcën e Sigurisë së Kosovës, me datë 09.10.2018, në prezencë të Udhëheqësit të Burimeve Njerëzore, si mostra për shqyrtim ka marr një mori të kopjeve të dokumenteve relevante, si në vijim:

- Udhëzimi Administrativ Nr. 08/2009, mbi Misionin ,Organizimin dhe Strukturën e Ministrisë së Forcës së Sigurisë së Kosovës
- Vendimi i datës 13.03.2017, për caktimin e ushtruesit të detyrës për pozitën „Sekretar Personal i Drejtorisë për Politika dhe Plane”
- Vendimi i datës 19.08.2017, për caktimin e ushtruesit të detyrës për pozitën „Zyrtar i Prokurimit”
- Vendimi i datës 17.08.2017, për caktimin e ushtruesit të detyrës për pozitën „ Arkëtar”
- Vendimi i datës 17.01.2017, për caktimin e ushtruesit të detyrës për pozitën „ Drejtor i Departamentit të Politikave dhe Plane”
- Vendimi i datës 30.01.2017, për caktimin e ushtruesit të detyrës për pozitën „ Zyrtar i Sekretariatit në Sekretariatit e MFSK’
- Vendimi i datës 12.12.2017, për caktimin e ushtruesit të detyrës për pozitën „ Shef i Sektorit për Hulumtim dhe Zhvillim”.
- Vendimi i datës 30.01.2017, për caktimin e ushtruesit të detyrës për pozitën „ Zyrtar i Sekretariatit në Sekretariatit e MFSK ”,grada A-4.
- Vendimi i datës 30.01.2017, për caktimin e ushtruesit të detyrës për pozitën „ Zyrtar i Sekretariatit në Sekretariatit e MFSK ”,grada A-3.
- Vendimi i datës 30.01.2017, për caktimin e ushtruesit të detyrës për pozitën „ Zyrtar i Sekretariatit në Sekretariatit e MFSK ”,grada A-2.
- Plani individual i personelit i vitit 2017
- Formuari për Vlerësimin e Rezultateve në punë për pozitën „Shefi i Sektorin të Përkthimeve”
- Formuari për Vlerësimin e Rezultateve në punë për pozitën „Drejto i Departamenti të Personelit”
- Renditja përfundimtare e kandidateve për pozitën „ Zyrtar për Buxhet dhe Financa”
- Marrëveshje për shërbime të veçanta e datës 25.10.2017
- Marrëveshje për shërbime të veçanta e datës 21.06.2017
- Marrëveshje për shërbime të veçanta
- Vendimi i datës 30.01.2017
- Vendimi i datës 30.01.2017
- Vendimi i datës 14.10.2016 , për themelimin e Komisionit Disiplinor
- Vendimi i datës 14.10.2016, për themelimin e Komisionit për Zgjidhjen e Kontesteve dhe të Ankesave;
- Kontrata e punës e datës 20.04.2016;
- Konkursi i datës 25.10.2017, për pozitën „ Asistente Administrative”;
- Renditja përfundimtare e kandidateve;
- Vendimi i datës 01.12.2016, për pezullimin e dakordaur;



- Vendimi i datës 30.10.2017, për pezullimin e dakorduar;
- Kërkesa e datës 25.10.2017, për pezullimin e dakorduar;
- Vendimi i datës 17.11.2017, për pezullimin e dakorduar;
- Evidenca e Trajnimeve;
- Plani i trajnimit i nëpunësve civil;
- Vendimi i datës 14.04.2017;
- Vërtetim për pushim mjekësore;
- Propozimi për trajnime e datës 16.10.2017;

Kolegji i Këshillit për mbikëqyrjen e zbatimit të legjislacionit për shërbimin civil, duke u bazuar në provat dhe dëshmitë e shqyrtuara për fushat e mbikëqyrjes të përfshira në “pyetësor”, ka konstatuar të gjeturat dhe ka dhënë rekomandimet përkatëse për zyrtarët përgjegjës të institucionit si në vijim:

1. ORGANIZIMI I BRENDSHËM DHE TË DHËNAT E TË PUNËSUARVE

Kolegji i Këshillit për mbikëqyrjen e zbatimit të legjislacionit për shërbimin civil, gjatë vizitës që ka bërë në Ministrinë për Forcën e Sigurisë së Kosovës, më datë 09.10.2018, ka konstatuar që ky institucion ka në fuqi Udhëzimi Administrativ Nr.08/2009, mbi Misionin, Organizimin dhe Strukturën e Ministrisë së Forcës së Sigurisë së Kosovës dhe se Akt Emërimet e nëpunësve civil janë në pajtim me këtë udhëzim. Në këtë institucion janë të lejuar me buxhet 169 nëpunës civil.

Gjatë vizitës Kolegji i Këshillit për mbikëqyrjen e zbatimit të legjislacionit për shërbimin civil ka shqyrtuar pesë (5) dosje të nëpunësve civil mirëpo si kopje ka marrë tri (3) dosje dhe atë për pozitën „Zyrtar i Lartë për Bashkëpunim Ndërkombëtar”, “Shef i Sektorit të Verifikimit”, “Përkthyes”. Kolegji ka konstatuar se dosjet janë në pajtim me dispozitat e Rregullores Nr. 03/2011 mbi Dosjet dhe Regjistrin Qendror të Nëpunësve Civilë.

Ushtruesit e detyrës: Kolegji i Këshillit për mbikëqyrjen e zbatimit të legjislacionit për shërbimin civil, ka konstatuar se në Ministrinë për Forcën e Sigurisë së Kosovës, për vitin 2017, ka pasur pozita me ushtrues detyre si ne vijim: Vendimi i datës 13.03.2017, për caktimin e ushtruesit të detyrës për pozitën „Sekretar Personal i Drejtorisë për Politika dhe Plane”; Vendimi i datës 19.08.2017, për caktimin e ushtruesit të detyrës për pozitën „Zyrtar i Prokurimit”; Vendimi i datës 17.08.2017, për caktimin e ushtruesit të detyrës për pozitën „Arkëtar”; Vendimi i datës 17.01.2017, për caktimin e ushtruesit të detyrës për pozitën „Drejtor i Departamentit të Politikave dhe Plane”; Vendimi i datës 30.01.2017, për caktimin e ushtruesit të detyrës për pozitën „Zyrtar i Sekretariatit në Sekretariatit e MFSK”; Vendimi i datës 12.12.2017, për caktimin e ushtruesit të detyrës për pozitën „Shef i Sektorit për Hulumtim dhe Zhvillim”; Vendimi i datës 30.01.2017, për caktimin e ushtruesit të detyrës për pozitën „Zyrtar i Sekretariatit në Sekretariatit e MFSK grada A-4”; Vendimi i datës 30.01.2017, për caktimin e ushtruesit të detyrës për pozitën „Zyrtar i Sekretariatit në Sekretariatit e MFSK grada A-3”; Vendimi i datës 30.01.2017, për caktimin e ushtruesit të detyrës për pozitën „Zyrtar i Sekretariatit në Sekretariatit e MFSK grada A-2”.

E GJETURA 1 Këshillit për mbikëqyrjen e zbatimit të legjislacionit për shërbimin civil, gjatë shqyrtimit të caktimit të Ushtruesve të detyrës ka gjetur se këto pozita nga emërimi edhe në ditën e vizitës monitoruese vazhdojnë të mbahen me ushtrues detyre, e që është në kundërshtim me nenin 30 paragrafin 4 të Ligjit Nr. 03/L-149 për Shërbimin Civil të Republikës së Kosovës.

REKOMANDIMI 1:

Rekomandojmë Sekretarin e Përgjithshëm të Ministrisë së Forcës së Sigurisë së Kosovës që të ndërmarr të gjitha veprimet e nevojshme për eliminimin e shkeljes, dhe që të respektoj të gjitha afatet ligjore lidhur me caktimin e ushtruesit të detyrës ashtu siç parashihet me dispozitat e nenit 30 paragrafi 4 të Ligjit Nr. 03/L-149 për Shërbimin Civil të Republikës së Kosovës.

2. PROCEDURAT E REKRUTIMIT DHE TË AVANCIMIT

Kolegji i Këshillit për mbikëqyrjen e zbatimit të legjislacionit për shërbimin civil, ka konstatuar se në Ministrinë për Forcën e Sigurisë, gjatë vitit 2017 janë zhvilluar 3 procedura të rekrutimit, dhe atë "Zyrtar për Buxhet dhe Financa", 2 pozita "Asistente Administrative".

Kolegji i Këshillit për mbikëqyrjen e zbatimit të legjislacionit për shërbimin civil, gjatë shqyrtimit të njoftimit për përzgjedhjen e kandidatit për pozitën "Zyrtar për Buxhet dhe Financa" dhe „Asistente Administrative”, ka konstatuar se njoftimi nuk e përmban këshillin Juridikë, lidhur me parashtrimin e ankesës, veprim ky i cili është në kundërshtim me nenin 43, të Rregullores Nr. 02/2010, për Procedurat e Rekrutimit në Shërbimin Civil.

REKOMANDIMI 1:

Rekomandojmë Sekretarin e Përgjithshëm të Ministrisë së Forcës së Sigurisë së Kosovës, që të ndërmarr të gjitha veprimet e nevojshme që në rastin e njoftimit në fund të procedurave të rekrutimit të përfshihet edhe këshilla juridike lidhur me parashtrimin e ankesë për aplikuesit dhe të veprojë në pajtim me nenin 43 paragrafi 1 dhe 2, të Rregullores Nr. 02/2010, për Procedurat e Rekrutimit në Shërbimin Civil.

E GJETURA 2 Kolegji i Këshillit për mbikëqyrjen e zbatimit të legjislacionit për shërbimin civil, gjatë shqyrtimit të dosjeve të nëpunësve civil ka konstatuar se në Ministrinë për Forcën e Sigurisë së Kosovës, ka pasur 4 nëpunës të angazhuar me marrëveshje për shërbime të veçanta, sipas deklaratës së Menaxherit të Personelit, kanë zhvilluar procedura të thjeshtësuar të rekrutimit. Por nuk kanë ofruar konkurset.

Kolegji ka konstatuar që në bazë të nenit 12 paragrafit 1 nën paragrafit 1.1 dhe 1.2 të Ligjit Nr. 03/L-149 për Shërbimin Civil të Republikës së Kosovës ekzistojnë dy kategori të punësuarave: „*pozitat e nëpunësve civilë të karrierës dhe pozitat e nëpunësve civilë të jo karrierës*”.

Në kuptim të kësaj dispozite, pozitat e nëpunësve civil të karrierës apo të jo karrierës, nuk mund të plotësohen me nëpunës me kontrata për marrëveshje për shërbime të veçanta.

REKOMANDIMI 2:

Sekretarin e Përgjithshëm të Ministrisë së Forcës së Sigurisë së Kosovës dhe Menaxherin e Personelit që të ndërmarrin veprimet për eliminimin e shkeljeve të konstatuara dhe që për pozitat e nëpunësve civil, të mos angazhojnë nëpunës në bazë të kontratave për shërbime të veçanta por që plotësimi i vendeve të lira të punës të caktuara për nëpunës civil të bëhet në pajtim me dispozitat e Ligjit Nr. 03/L-149 për Shërbimin Civil të Republikës së Kosovës dhe akteve nënligjore përkatëse për zbatimin e këtij ligji.



3. PROCEDURAT DISIPLINORE

Kolegji i Këshillit për mbikëqyrjen e zbatimit të legjislacionit për shërbimin civil, ka konstatuar se Ministria për Forcën e Sigurisë së Kosovës, e ka të themeluar Komisionin Disiplinor, sipas Vendimit të datës 14.10.2016, sipas deklaratës së MP nuk ka pasur të parashtruara ankesa në KD.

Për këtë fushë të mbikëqyrjes kolegji nuk ka gjetur shkelje dhe nuk kemi rekomandime.

4. PROCEDURAT E ANKESAVE

Kolegji i Këshillit për mbikëqyrjen e zbatimit të legjislacionit për shërbimin civil, ka konstatuar se Ministria për Forcën e Sigurisë së Kosovës e ka të themeluar Komisionin për Zgjidhjen e Kontesteve dhe të Ankesave, sipas Vendimit të datës 14.10.2016, sipas deklaratave të MP nuk është paraqitur asnjë ankesë në Komisionin për Zgjidhjen e Kontesteve dhe të Ankesave.

Për këtë fushë të mbikëqyrjes kolegji nuk ka gjetur shkelje dhe nuk kemi rekomandime.

5. PROCEDURAT E VLERËSIMIT

Kolegji i Këshillit për mbikëqyrjen e zbatimit të legjislacionit për shërbimin civil, ka konstatuar se në Ministrinë për Forcën e Sigurisë së Kosovës, është bërë vlerësimi i punës së nëpunësve civil.

Për këtë fushë të mbikëqyrjes kolegji nuk ka gjetur shkelje dhe nuk kemi rekomandime.

6. PROCEDURAT E PUSHIMEVE

Kolegji i Këshillit për mbikëqyrjen e zbatimit të legjislacionit për shërbimin civil, ka konstatuar se në Ministrinë për Forcën e Sigurisë, mbahet evidenca e pushimeve për nëpunësit civilë në kopje fizike dhe elektronike. Gjatë vitit 2017, 21 nëpunës civil kanë shfrytëzuar pushim, mjekësor ndërsa pushime me pagesë nuk ka pasur, 5 nëpunëse civile kanë shfrytëzuar pushimin e lehonisë.

Për këtë fushë të mbikëqyrjes kolegji nuk ka gjetur shkelje dhe nuk kemi rekomandime.

7. PROCEDURAT E TRANSFERIMIT

Kolegji i Këshillit për mbikëqyrjen e zbatimit të legjislacionit për shërbimin civil, ka konstatuar se në Ministrinë për Forcën e Sigurisë së Kosovës gjatë vitit 2017, nuk ka pasur transferim të nëpunësve civil as transfer të përhershëm as të përkohshëm.

Për këtë fushë të mbikëqyrjes kolegji nuk ka gjetur shkelje dhe nuk kemi rekomandime.

8. TË DHËNAT PËR PËRFAQËSIM ETNIK, GJINOR DHE PERSONAVE ME NEVOJA TË VEÇANTA

Kolegji i Këshillit për mbikëqyrjen e zbatimit të legjislacionit për shërbimin civil, ka konstatuar se në Ministrinë për Forcën e Sigurisë së Kosovës ka të punësuar 169 nëpunës civil, sipas strukturës etnik 165 janë shqiptar, 3 boshnjak 1 turq, sipas strukturës gjinore janë 124 meshkuj dhe 45 femra, nga numëri i përgjithshëm janë dy nëpunës me aftësi të kufizuara.

E GJETURA 1: Kolegji i Këshillit për mbikëqyrjen e zbatimit të legjislacionit për shërbimin civil, ka konstatuar se prej 165 nëpunësve civil të punësuar në Ministrinë për Forcën e Sigurisë së Kosovës, 124 meshkuj ndërsa femra janë 45 çka nënkupton se nuk ka numër të barabartë të punësuarve ashtu siç përcaktohet me dispozitat e nenit 6, paragrafi 8 të Ligjit Nr. 05/L -020 për Barazi Gjinore.

REKOMANDIM 1:

Rekomandojmë Sekretarin e Përgjithshëm të Ministrisë Forcës së Sigurisë së Kosovës , që me rastin e rekrutimit të nëpunësve civil të ri të ketë parasysh respektimin e dispozitave të Ligjit Nr. , 05/L - 020 për Barazi Gjinore, në mënyrë që trajtimin i gjinive të jetë i barabartë edhe në aspektin e punësimit dhe numri i të punësuarve të jetë proporcionalisht i barabartë.

9. PEZULLIMI, NDËRPRERJA DHE PËRFUNDIMI I MARRËDHËNIES SË PUNËS

Kolegji i Këshillit për mbikëqyrjen e zbatimit të legjislacionit për shërbimin civil, ka konstatuar në Ministrinë për Forcën e Sigurisë së Kosovës, nuk ka pasur asnjë rast ndërprerjes dhe përfundimit të marrëdhënies së Punës. Ndërsa pezullimi të dakorduar janë tre (3) raste.

Për këtë fushë të mbikëqyrjes kolegji nuk ka gjetur shkelje dhe nuk kemi rekomandime.

10. PAPAJTUESHMËRIA NË MES TË USHTRIMIT TË DETYRËS SË NËPUNËSIT CIVIL DHE FUNKSIONARIT PUBLIK

Kolegji i Këshillit për mbikëqyrjen e zbatimit të legjislacionit për shërbimin civil, në bazë të dëshmive të ofruara, ka konstatuar në Ministrinë për Forcën e Sigurisë së Kosovës, gjatë vitit 2017 nuk ka pasur asnjë nëpunës civil i cili i cili në të njëjtën kohë mban ndonjë post publik i cili bie ndesh me ushtrimin e detyrës së nëpunësit civil.

Për këtë fushë të mbikëqyrjes kolegji nuk ka gjetur shkelje dhe nuk kemi rekomandime.

11. TË DHËNAT NËSE NDAJ NËPUNËSVE CIVIL ËSHTË DUKE U ZHVILLUAR PROCEDURË PENALE OSE JANË DËNUAR ME VENDIM TË GJYKATËS

Kolegji i Këshillit për mbikëqyrjen e zbatimit të legjislacionit për shërbimin civil, në bazë të dëshmive dhe informatave të ofruara nga udhëheqësi i burimeve njerëzore, ka konstatuar se në ministrinë e Ministrinë për Forcën e Sigurisë së Kosovës, nuk ka asnjë nëpunës që është duke u zhvilluar ndonjë procedurë penale ose është dënuar me vendim të gjykatës.

Për këtë fushë të mbikëqyrjes kolegji nuk ka gjetur shkelje dhe nuk kemi rekomandime.

12. TRAJNIMI I NËPUNËSVE CIVIL

Kolegji i Këshillit për mbikëqyrjen e zbatimit të legjislacionit për shërbimin civil, ka konstatuar se Ministria e Forcës së Sigurisë së Kosovës , ka të përgatitur planin për trajnime dhe së në trajnim ka marrë pjese nëpunësit civil, gjithsejtë katër dhjete (40)

Për këtë fushë të mbikëqyrjes kolegji nuk ka gjetur shkelje dhe nuk kemi rekomandime.

13. VIJIMI NË PUNË, PAGAT, SHITESAT DHE KOMPENSIMET

Kolegji i Këshillit për mbikëqyrjen e zbatimit të legjislacionit për shërbimin civil, ka konstatuar se në Ministrinë e Forcës së Sigurisë së Kosovës, vijimi në punë mbahet në formë elektronike, të gjitha pagat e nëpunësve civil janë në pajtim me Akt Emërimet po ashtu asnjë nëpunës civil nuk kompensohet me ndonjë shtesë.

Për këtë fushë të mbikëqyrjes kolegji nuk ka gjetur shkelje dhe nuk kemi rekomandime.

14. ZBATIMI I REKOMANDIMEVE DHE VENDIMEVE TË KËSHILLIT

Kolegji i Këshillit për mbikëqyrjen e zbatimit të legjislacionit për shërbimin civil, ka konstatuar se Ministria e Forcës së Sigurisë së Kosovës, në bazë të deklarimit të zyrtareve të personelit nuk ka asnjë vendim të Këshillit të Pavarur Mbikëqyrës për Shërbimin Civil të Kosovës, të pa zbatuar,

Ministria e Forcës së Sigurisë së Kosovës është monitoruar në vitin 2016, dhe janë dhënë katër (4) rekomandime, prej tyre 3 i ka adresuar, ndërsa rekomandimin për Ushtruesit e detyrës nuk e ka zbatuar.

15. SHËNIMET/KOMENTET/ PËR MIBKËQYRJEN E ZBATIMIT TË RREGULLAVE DHE PARIMEVE TË LEGJISLACIONIT PËR SHËRBIMIN CIVIL

Kolegji i Këshillit me rastin e mbikëqyrjes së të dhënave të dosjeve për fushat e mbikëqyrjes në Ministrinë për Forcën e Sigurisë, ka arritur të konstatoj 4 të gjetura dhe ka dhënë 4 rekomandime lidhur me zbatimin e rregullave dhe parimeve të legjislacionit për shërbimin civil.

Këshilli i Pavarur Mbikëqyrës për Shërbimin Civil të Kosovës, rekomandon menaxhmentin e lartë të Ministrisë e Forcës së Sigurisë së Kosovës, që gjetjet me rekomandimet e dhëna në këtë raport t'i adresoj dhe së bashku me njësitë përgjegjëse të sigurojë që të ketë zbatim të plotë të legjislacionit për shërbimin civil, sidomos duke pasur një fokus të veçantë për fushat për të cilat janë evidentuar shkelje dhe lëshime në zbatimin e procedurave dhe legjislacionit për shërbimin civil.

Eshref SHABANI

Kryetar i Kolegjit

Rushit KAJTAZI

Zyrtar i Lartë për Bashkëpunim Profesional

I dërgohet:

- Sekretarit të Përgjithshëm të Ministrisë së Forcës së Sigurisë së Kosovës ;
- Menaxherit të Personelit në Ministrinë e Forcës së Sigurisë së Kosovës; dhe
- Arkivit të KPMSHCK.